



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. IV. Aliæ rationes expenduntur

---

[urn:nbn:de:hbz:466:1-77355](#)

securitatem procurator, quid tibi prodest si partefamilias non acceptet? Procurator sum, servus sum; vis tibi dicam, vive quomodo vis, Dominus te non perdet. Securitatem tibi procurator dedit; nihil valet securitas procuratoris: uinam tibi Dominus securitatem daret, & ego te securum facerem: Domini enim securitas valet, etiam si nolim, mea nihil valet, si ille noluerit. Cum ergo Deus securitatem non promiserit quamcumque opinionem probabilem sequentibus, nec ullum hujus dogmatis in Scriptura aut SS. Patribus extet vestigium; & illud ratione firmam probari non possit, imo potius rationi videatur contrarium, ut infra patet, manifestum est illud à novorum Theologorum & Casuistarum suffragio non posse omnimodam securitatem & firmitatem habere, quæ moralē omnem excludat formidinem, quæ operantem ex opinione minus probabili, in concurso probabilioris, à peccato excusat. Unde Laetantius libro tertio cap. 13. rectè admet: *Ne trahamur auctoritate cuiusquam; sed veritati positis accedamus. Et subdit: Nullus hic temeritatis locus est: in eternum fluctuē pœna subienda est, si aut persona inanis, aut opinio falsa decepitur.*

Addo novorum Theologorum & Casuistarum auctoritatem & suffragio, non posse ultra probabilitatis sphæram aliquam sententiam echeare: unde quamvis prædicto dogmati accedat extrinsecus illorum suffragium, semper remanet intra limites & terminos probabilitatis; subindeque moralē certitudinem causare nequit, nec omnem formidinem & dubietatem practicam à conscientia expellere: nam, ut supra dicebamus, sicut ex contingentī folum contingens, ita & ex probabili & fallibili non nisi probable & fallibile sequi potest.

Ex quo patet, judicium reflexum de probabilitate sententia minus probabilis, in concurso probabilioris, non posse certificare conscientiam de rectitudine operationis, & omnem formidinem ac dubietatem de malitia ejus excludere: dubietas enim & formido non possunt excludi, nisi per aliquod principium firmum & certum: Sed istud dogma Adversariorum: *Sequens quamcumque probabilem sententiam, tuō operatur: vel qui incedit probabiliter, tuō incedit, non est certum aut firmum, sed dubium, incertum, & duntaxat probabile & opinabile, ut jam ostendimus: Ergo &c.*

Confirmatur primò: Dubitatio debet semper tolli per aliquid certius eo de quo dubitatur: Sed prædictum dogma Adversariorum non est certius eo de quo dubitatur, putà an liceat habere plures prebendas? An licitum sit pingere in die festo &c. utrumque enim solum probabile est, subindeque incertum & fallibile: Ergo per tale dogma, seu per judicium reflexum de probabilitate sententia, non potest tolli omnis formido & dubietas de malitia moralis operationis.

Confirmatur secundò: Si probabilitas reflexe cognita in aliqua opinione, seu judicium reflexum de probabilitate alicuius sententiae, formidinem & dubietatem de malitia moralis operationis excluderet, sequeretur affirmationem esse cauſam negationis, & possem rectè concludere me non habere de aliquo formidinem & dubietatem, quia de eo habeo formidinem & dubietatem: Sed hoc absurdum est: Ergo & illud. Se-

A quia patet: quia formido & dubietas sunt de intrinseca ratione opinions probabilis; nam ut ait D. Thomas qu. 14. de verit. art. 1. Tunc est dispositio opiniantis, quando intellectus magis inclinat in unam partem, sed de opposita dubitatur: & i. p. qu. 79. artic. 9. *Opinio* (inquit) significat actum intellectus, qui fertur in unam partem contradictionis, cum formidine alterius: Ergo si judicium reflexum de probabilitate alicuius sententiae, tollat formidinem & dubietatem de malitia moralis operationis, sequitur affirmacionem esse cauſam negationis, & me non habere de aliquo formidinem & dubietatem, quia de illo habeo formidinem & dubietatem.

B Confirmatur tertio: Si ex vi probabilitatis sententia minus probabilis operans posset certificari hic & nunc se non peccare, ipsam eligen-  
do, nullus unquam peccaret, sequendo con-  
scientiam dubiam: Sed hoc dici nequit: Ergo  
ne illud. Minor est certa: nam ut ait D. Thomas quodlib. 8. art. 13. *Si ille qui habet plures prebendas in quandam dubitationem inducitur contrarietate opinionum, & manente dubitacio- ne plures prebendas habet, pericolo se commitit; & sic procul dubio peccat, utpote magis amans beneficium temporale, quam propriam salutem.*

C Et Caetanus tomo 1. opifcul. tracte ultimo resp. 13. dubio ultimo: *Si applicatio (inquit) ad opus fluctuat circa rectum & obliquum moris, scrupulus est conscientia, contra quem illicitè agitur, & obli- quitas moralis incurritur. Sequela vero Majoris probatur: Non datur conscientia dubia, nisi simul concipiatur cum aliqua probabilitate; & deo- enim quis de veritate alicuius propositionis dubitat, & fluctuat inter utramque partem contradiccionis, quia utrinque habet rationes probabiles: Ergo si sola probabilitas reflexe co- gnita in aliqua opinione, certificat conscientiam de rectitudine & honestate operationis, sequitur nullum unquam ex conscientia dubia peccare; nam semper habebit aliquod principium ipsum certificans de honestate & rectitudi- ne sua operationis, nimirum istud: Sequens quamcumque sententiam probabilem, de honestate & rectitudine sua operationis securus est.*

## S. IV.

## Alia rationes expenduntur.

P RÆTER rationem jam adductam, quæ præcipua & fundamentalis est, plures aliæ suppetunt ad nostram conclusionem suadendam, & ad probandum non esse licitum sequi opinionem minus probabilem, faventem libertati, in concurso probabilioris, quæ stat pro præcepto.

Prima est: Sententia minus probabilis, licet secundum se, & dum non appetat alia probabili, sit probabilis, tamen comparatione factâ ad probabilem, non manet probabilis, sed falsa & improbabili censetur: Atqui sententiam cognitam improbabilem & falsam, nemo tutâ conscientiâ sequi potest: Ergo nec sententiam minus probabilem, in concurso probabilioris. Major, in qua est difficultas, probatur: Sic si habet minus verum ad intellectum, sicut minus bonum ad voluntatem: Sed sic est quod respectu voluntatis, licet quodlibet vere bonum sit amabile, secundum se sumptum, tamen compariatione ad majus bonum, non est amabile, neque bonum; unde factâ comparatione inter

43

L 1 iij

majus & minus bonum, voluntas non potest A eligere minus, repudiato majori, ut in tractatu de actibus humanis disp. 9. art. 3. fusè ostendimus: Ergo similiter licet opinio minus probabilis, secundum se, & praescindendo ab alia probabiliori, probabilis sit, & possit tutâ conscientiâ eligi; secus tamen in concursu alterius probabilioris.

44. Potestque hæc ratio & doctrina illustrari & confirmari ex D. Thoma i. p. qu. 50. art. 1. ad 1. ubi ex Aristotele docet, medium comparatum ad unum extremum, alterum extremum videri; v. g. tepidum comparatum calido, videtur frigidum, & comparatum frigido, videtur calidum; & media fiducia, gravis, comparata ad ultimam dicitur, & acuta ad primam; fuscum comparatum ad nigrum, album dicitur, & nigrum, si comparetur ad album. Ex quo ibidem infert S. Doctor, post Damascenum, Angelos dici immateriales & incorporeos, quantum ad nos; & comparativè ad Deum dicî materiales & corporales. Unde cùm opinio minus probabilis mediet inter improbabilem & probabiliorem, licet comparativè ad improbabilem probabilis sit, facta tamen comparatione ad probabiliorem, censetur improbabilis; subindeque in concursu illius tutâ conscientiâ eligi nequit.

Ex qua ratione præcipuum Adversariorum fundamentum penitus evertitur: esto enim quod ille qui sequitur quamcumque probabilem sententiam, tutò operetur, & de rectitudine sua operationis securus sit, non sequitur tamen posse tutâ conscientiâ eligi minus probabilem, in concursu probabilioris; quia, ut jam ostendimus, comparatione ad probabiliorem, censetur aut videatur improbabilis; nemo autem tutâ conscientiâ sententiam improbabilem sequi potest.

45. Secunda ratio: Dictamen regulans rectam operationem non debet esse indifferens ut conformetur, vel non conformetur legi aeternæ, quæ est prima regula bonitatis & rectitudinis nostrorum operationum, ut docet S. Thomas i. 2. qu. 19. art. 4. sed debet quantum est de se ipsi conformari, saltem quantum ad apparentiam, id est, debet magis ipsi conforme quam disforme apparere: sicut horologium, ut sit recta mensura durationis rerum corporearum, debet quantum est de se, comparari motui cœli, qui est prima regula & mensura omnium motuum inferiorum: Atque dictamen rationis fundatum in opinione minus probabili stante contra præceptum, in concursu probabilioris que facit præcepto, ne apparenter quidem legi aeternæ conformatur; qui stante opinionum conficitur, non magis appetit non conformari, quam conformari, quia pars probabilior magis suaderet non conformari: Ergo tale dictamen non potest esse regula rectæ operationis.

46. Tertia ratio: Ille non agit rectè, qui in sua operatione non sequitur dictamen rationis: Sed talis est qui relictâ opinione probabiliori sectatur minus probabilem: Ergo &c. Major patet: quia dictamen rationis est proxima & immediata regula morum, ut docet S. Thomas loco supra citato. Minor vero suadetur: Dictamen rationis nihil est aliud quam inclinatio potentia rationalis ad assensum: Sed qui relictâ opinione probabiliori sectatur minus probabilem, non sequitur hujusmodi inclinationem;

cùm inclinatio intellectus feratur ad illam partem contradictionis, pro qua sunt fortiora motiva, & magis convincentia, qualia sunt ea quibus opinio probabilior inititur: Ergo qui relictâ opinione probabiliori sectatur minus probabilem, non sequitur dictamen rationis.

Quarto ratio: Qui facit opus quod probabilius credit posse desplicere amico, etiamsi probabilitas credit non desplicere, contemnit amicum, subindeque contra leges amicité peccat: v. g. quis probabilius putat amicum graviter offendì, si in domum suam recipiat ejus inimicum, quamvis probabilitas credit non offendì, si vult nihilominus recipere inimicum, contemnit amicum, quia ita agit, ut etiam si contingat amicum lœdi, non curat; si enim timeret eum lœdere, vitaret periculum ipsum lœdendi: Sed qui sequitur opinionem minus probabilem, in concursu probabilioris, afferentis aetum esse illicitum, facit opus quod probabilitas credit desplicere Deo, etiamsi probabile credit ipsi non desplicere; etenim enim opus desplicet Deo, quatenus in se illicitum est: Ergo qui sequitur sententiam minus probabilem, afferentis aetum esse licitum, in concursu probabilioris, affirmans ipsum esse illicitum, peccat contra legem amicité quam Deo exhibere tenetur.

Quinta ratio: Licet ignorantia invincibilis excusat à peccato, non tamen ignorantia vincibilis, quia una tollit ab actu rationem voluntarij, non vero altera, ut art. 7. fusè expendimus: Sed qui sequitur opinionem minus probabilem, quam putat esse falsam, & à lege aeterna discordantem, relictâ cùm veriorem & probabiliorem, ac divinæ legi magis consonam existimat, non habet ignorantiam invincibilem, sed vincibilem veritatem; tum quia ratione formidinis, annexa opinioni minus probabili, errorem aliquo modo prævidet; tum etiam quia veritatem aliquo modo contemnit, non curando de alia sententia, quam probabilitatem, subindeque veritati magis consonam aut propinquam arbitratur: Ergo ille qui sequitur sententiam minus probabilem, faventem libertati, relictâ probabiliori, que stat pro præcepto, non excusat à peccato.

Sexta ratio: Qui habet suspicioneum, scrupulum, seu levem credulitatem, quod aliqua actio est illicita, peccat, & quidem mortaliter, si cum tali suspicione, scrupulo, vel credulitate leví, in gravi materia operetur: Ergo à fortiori ille peccat, qui habet conscientiam non solum dubiam & scrupulosam, sed etiam probabilem, imò & probabiliorem, quod aetius quem facit sit illicitus. Consequens patet: quia probabilitas de malitia actus, prefertim si magna sit, qualis illa est, quæ probabilitati sententia convenit, magis accedit ad certitudinem de illa, quam levis suspicio, scrupulus, aut dubium: Ergo si ille qui agit contra dictamen conscientiae dubiae, aut scrupulosa, existimat aliquem aetum esse illicitum, peccat, à fortiori ille qui agit contra opinionem, quam non solum probabilem, sed etiam probabiliorem existimat, & quæ afferit aetum esse illicitum, & legi divinæ contrarium, non excusat à peccato.

Antecedens vero expressè habetur in jure, in cap. per tuas 2. de Simonia, ubi deciditur esse peccatum mortale operari contra conscientiam scrupulosam, nisi prius formido & scrupulus

deponantur. Item in cap. *Inquisitioni de sententia excommunicatae* cùm propositus esset casus, *An conjux habens conscientiam de impedimento dirimente, possit reddere & exigere debitum conjugale?* Respondetur distinguendo, *an talis habeat huiusmodi conscientiam ex credulitate probabili & discreta, an verò ex credulitate levi & temeraria?* & in hoc secundo casu dicit textus: *Quod ad pastoris sui consilium (conscientiâ levi & temeraria crudelitatis explosâ) lícit poterit non solum reddere, sed etiam exigere debitum conjugale.* Per parenthesim illam innuens, quod si credulitatem illam, et si vel temerariam, non exploderet, sine dubio, debitum petendo vel reddendo, peccaret.

Confirmatur ex D. Thoma quodlib. 8. art. 13. ubi ait: *Duobus modis aliquis ad peccatum obligatur: uno modo, faciendo contra legem, ut cùm aliquis fornicatur: alio modo, faciendo contra conscientiam, etiamsi non sit contra legem; ut si conscientia dictat alicui quod levare festucam de terra sit peccatum mortale. Ex conscientia autem obligatur aliquis ad peccatum, sive habeat certam fidem de contrario ejus quod agit, sive etiam habeat opinionem cum aliqua dubitatione.* Ergo ex D. Thoma ille peccat qui elicit aliquam actionem, quam ex conscientia dubia seu scrupulosa existimat esse illicitam, licet talis actio revera non sit illicita, nec legi divinae contraria. Unde cùm ille qui habet conscientiam probabilem, imò & probabiliorem, de malitia sua operationis, fortiora motiva habeat, & magis convincientia, quod ea illicita sit, quā ille qui ex conscientia dubia seu scrupulosa eam malam existimat, si iste peccet, à fortiori & ille peccabit.

## S. V.

*Eadem veritas ratione morali suadetur.*

**R**ATIONES hucusque exposita, Theologicae sunt, & ex purissimis ac limpidissimis Angelici Doctoris fontibus sumptae; ea quam hī expendemus, moralis erit, & ex dictamine prudentiae, seu communī virorum prudentum iudicio & existimatione petita, ac fundata in percebenti illo sacrorum Canonum dogmate: *In dubiis tūtor pars est eligenda*, de quo fūse art. 5. Cūm enim dubium sit ac incertum, an recte operemur, sequendo sententiam minus probabilem, in concursu probabiliors, & nullus dubitet licere sequi probabiliorem & tūtiorē, reliktā minus tutā & minus probabili, recta ratio & prudentia suadent, huic potius adhærente sententia, quā nulli profus errandi aut peccandi pericula nos exponit, quā illi quā nos probabili saltem errandi & peccandi periculo reddit obnoxios.

2. Gallici Annales referunt, Henricum IV. recentis & inclite memorie Gallorum Regem, cūm ex colloquio, quod eo postulante habitum est inter Doctores Catholicos, & hæreticæ pravitatis Ministros, audiisset ab iis, qui tum aderant hæreticis Ministris, eos qui Catholicam fidem sequerentur, dummodo piè & recte vivent, in via æternæ salutis ambulare; Catholicis Doctribus ex adverso affverantibus, eos qui Calvinistarum doctrinam sectarentur, non posse ad æternam felicitatem pervenire; Regem, inquam, sapientissimè dixisse, id prudenti consilio convenire, ut Catholicam

A & Romanam potius fidem amplectetur, quām Calvinianæ sectæ adhærente perseveraret: quippe ex partis uruisque consensu, se posse, Romanæ Ecclesiæ fidem profitendo, futura beatitudinis compotem fieri; at secundum Catholicorum doctrinam, si Calvinianam hæresim non abjuraret, æternæ damnationis pœnam devitare non posse: viri porro prudentis esse, in salutis negotio partem tūtiorem sequi. Quæ ratio in summo Principe usque ad eō valuit, ut reprobatio Calvinii erroribus, in Romanæ Ecclesiæ partes migraverit.

B Simili discursu in præsenti materia uti licet: cūm enim incertum ac dubium sit, an licet sententiam minus probabilem, in concursu probabiliors, idque plures graves & docti Theologi constanter negent: contra verò omnes Doctores, tam qui nostra adhærent sententia, quām qui oppositam amplectuntur, unanimiter, nulloque profus discrepante, tūd nos posse probabiliorem sequi sententiam, reliktā minus probabili, profiteantur: nonne viri prudentis est, in salutis negotio, à quo tota hominis penderet felicitas, tūtiorem & probabiliorem partem sequi, reliktā minus tutā, & minus probabili, nec se exponere probabili in materia morum errandi periculo, in qua (ut ait Lib. 3. Laßantius) si quid erratum fuerit, vita omnis cap. 7. everitur.

C Confirmatur: Homo non minus debet esse cautus in his qua ad salutem animæ spectant, quām in illis qua ad salutem corporis pertinent: Sed qui in istis uteretur opinione minus probabili, reliktā probabili, imprudenter omnino & stulte ageret; v. g. qui medicamentum reciperet, quod probabilius putaret esse mortiferum; vel qui navi se committeret, quam probabilius crederet perituras; aut qui sponte ingredieretur sylvam, quam probabilius putaret à latronibus inhabitatam: Ergo à fortiori imprudenter agunt, qui salutem spiritualem animæ, opinioni minus probabili, & minus tutā committunt, & qui (ut verbis Hugonis Victorini utar) non timent anima sua legem dare, quam corpori suo prescribere nolunt.

Confirmatur amplius: Si ex præcepto prudentiae tenemur emere vestes, quæ meliores & commodiores nobis apparent, & sumere medicinam, quam credimus salubriorem, aut eligere viam, quam arbitramur tūtiorem; à fortiori prudentia imperat, vel saltem suadet, in materia morum probabiliors, & tūtiores vias sectari, & veriorem eligere plusquam vestimentum, ut discurrit D. Chrysostomus supra S. 2. relatus. Et certè filii hujus saeculi prudentiores filii lucis in generatione sua sunt, ut ait Christus Luca 10. homines enim saeculares & mundani, in agibiliis saeculi, & bonorum temporalium administratione, omnem quam possunt securitatem sollicitè querunt: novi autem hujus saeculi Theologi & Casuista, quibus animarum cura commissa est, & qui divini luminis dispensatores & administri (ut Dionysius Angelos appellat) non incongrue dici possunt, vias minus tutas, & minus probabiles, probabiliors & tūtioribus anteponi posse profitentur; idque in salutis negotio, quod omnium maximum est, & à quo, ut supra dicebamus, tota hominis penderet felicitas: & quod mirere magis, in ipso etiam mortis articulo, in quo æternitatis jacit aera; mortis enim articulus (inquit) novum.